

g setanding



Untuk kanak-kanak berumur 1-10 tahun



Jualan rumusan berasaskan soya yang **Paling Laris*** di Malaysia.



Rumusan berasaskan soya boleh digunakan sebagai alternatif yang sesuai untuk kanak-kanak yang mengalami Alahan Kepada Protein Susu Lembu.

Oleh DIYANA ROSE KAMALLUDEEN

SEMAKIN ramai wanita yang mengetahui mengenai pemeriksaan *mamogram* dan *pap smear* sebagai kaedah pencegahan dan pengesanan awal kanker payu dara dan pangkal rahim (serviks).

Malangnya, mereka hanya mendengar tetapi tidak berusaha mencubanya. Ini terbukti apabila kira-kira 70 peratus wanita berusia lewat 40-an masih belum menjalani pemeriksaan *pap smear* dan *mamogram* walaupun lebih 3,000 orang disahkan menghidap kanker serviks setiap tahun.

Selain sikap tidak endah, masalah kewangan juga antara kekangan kepada situasi tersebut.

Justeru, bagi membantu golongan kurang berkemampuan mendapatkan pemeriksaan kesihatan, Pusat Perubatan Prima-Nora (PrimaNora) dengan kerjasama Avon Cosmetics Malaysia Bhd., telah menyumbangkan

500 mamogram percuma melalui pelbagai pertubuhan bukan kerajaan (NGO) dan persatuan bagi membantu wanita dan ibu tunggal yang kurang berkemampuan

Pengasas PrimaNora, Datuk Dr. Nor Ashikin Mokhtar berkata, ujian itu dianggar menelan belanja antara RM90 hingga RM300 mengikut tahap pemeriksaan.

Antara pertubuhan yang mendapat sumbangan *mamogram* percuma itu ialah Yayasan Pink Ribbon Deeds (PRIDE), Persatuan Kebajikan Kanser Payu Dara

(BCWA), Persatuan Kanser Serviks (CARES), Kesatuan Kebangsaaan Usahawan Wanita Malaysia (Nawem) dan Persatuan Wanita Bumiputera dalam Perniagaan dan Profesyen (Peniagawati).

Turut serta, Kelab Wanita Perak dan Tuanku Fauziah di samping Jabatan Hal Ehwal Pembangunan Wanita dan Sosial, Jabatan Perdana Menteri serta Persatuan Ibu Tunggal Mutiara.

"Kami memilih konsep hari terbuka untuk memudahkan orang ramai mendapatkan maklumat dan khidmat penjagaan kesihatan bagi mencegah serta menguruskan kanker payu dara dan serviks.

"Di Malaysia, 40 peratus kes kanker payu dara hanya dikesan apabila sudah mencapai tahap serius. *Mamogram* adalah kaedah terbaik untuk mengesan ketulan kanser namun tidak sampai 5 peratus wanita berusia 40 tahun ke atas pernah melalui ujian itu," katanya.

Ujian tersebut boleh diadakan pada Hari Kanser Payu Dara dan Pangkal Rahim yang akan diadakan pada 22 November ini di Plaza TTDI, Jalan Wan Kadir 3, Taman Tun Dr.

Ismail, Kuala Lumpur.

Di samping *mamogram* percuma, pengunjung juga boleh mendapatkan pemeriksaan tekanan darah, subsidi vaksinasi kanker pangkal rahim, ultrabunyi pelvis percuma untuk 100 pembeli vaksin kanker serviks dan ujian DNA Human Papilloma Virus (HPV).

Pengunjung juga berpeluang mengikuti seminar kanser oleh pakar peribidanan dan sakit puau iaitu Prof. Dr. Yip Cheng Har dari Pusat Perubatan Universiti Malaya (UMMC) dan Dr. Nor Ashikin pada pukul 1.30 hingga 3.30 petang.

